

Բ. ՓԱՆՈՍԻ ԳՈՐԾԱՐԱՆԸ

Գիշերը անցուցի անհանգիստ, տենդային դրուժեան մեջ: Առաւօտեան զարթեցայ խիստ ուշ: Ասլանը սենեակում չէր, չէր երեւում եւ վարպետ Փաւսոսը: Ես ինձ բաւական թոյլ էի զգում. մարմինս կոտրատւում էր, իսկ գլխիս մեջ տիրում էր մի տեսակ թմրութիւն, մի տեսակ մառախուղ: Գիշերոայ բոլոր անցքերը երեւում էին ինձ ինչպէս մի երագ: Կոկորդիս մեջ ցաւ էի զգում եւ, նայելով հայելու մեջ, տեսնում էի պարանոցիս վրայ բաց-կապտագոյն բծեր: Շապիկս բուրում էր դեղորայքի հոտով: Երեւում էր, գիշերը Ասլանը իմ վրայ գործ էր դրել բժշկական միջոցներ:

Վարպետի գործարանի փոքրիկ աշակերտներից մէկը ջուր բերեց, լոսոնեցայ, հազնոեցայ եւ դուրս եկայ պատշգամբի վրայ:

Այստեղից բացոեցան իմ առջեւ հրաշալի տեսարաններ. երեւում էին շրջակայ լեռները իրանց գեղեցիկ հովիտներով, երեւում էր քաղաքը իր կրկնակի պարիսպներով ու աշտարակներով, երեւում էին քաղաքի բարձր սիւնաձեւ մինարեթները եւ հայոց եկեղեցիների գմբեթները, երեւում էր միջնաբերդը իր ահռելի, հսկայական կերպարանքով, երեւում էր ծովը իր մանիշակագոյն հարթ տարածութեամբ: Իմ սիրտը տրոփում էր անհամբերաթիւնից, թէ երբ պետք է մոից, շատ մօտից տեսնեմ այդ բոլորը: Գիշերով հասած լինելով Այգեստան՝ ես դեռ ոչինչ չէի տեսել: Իրաւ, գեղեցիկ, շատ գեղեցիկ էր քաղաքի այդ ծառազարդ արոարձանը: Այգիների ծառերը, ծանրաբեռնուած գոյնզգոյն պտուղներով, առաւօտեան լուսով ակելի սքանչելի էին երեւում, քան թէ գիշերը: Արեգակը հսկում էր վերելից: Այժմ նրա լոյսի երկիւղից գիշերային գողերը դադարել էին կողոպտելուց: Այժմ հերթը հասել էր ցերեկոյ գողերին: Ահա ճնճղուկների ահագին երամը խառնաձայն աղմուկով իջաւ ծիրանի ծառի վրայ: Նրա տերեւախիտ ճիւղերը թեքոեցան այդ փոքրիկ աւազակների ծանրութեան ներքոյ: Ելվում են, ոստոստում են եւ ուրախ, յաղթական աղաղակներով կտցահարում են իրանց քաղցր, հիւթալի աւարը: Յեռոից ճռչում է այգեպանի ճօճանակը, եւ չարաճճի խումբը միանգամից թողնում է ծառը: Ինչ զանազանութիւն քրդերի եւ այդ անմեղ արարածների մեջ: Երկուսն էլ ապրում են ուրիշի վաստակով: Բայց ճնճղուկներն ակելի բարեխիղճ են, դրանք գոնէ չեն ոչնչացնում ծառերը: Այդ համեմատութիւնն էի անում, երբ վերադարձաւ Ասլանը: Նրան տեսնելով, ես մտայ սենեակը:

— Ես չկամեցայ քեզ զարթեցնել, լաւ է, որ վեր ես կացել, — ասաց նա բժշկի եղանակով, որ մի անձանօթ հիւանդի մօտ այցելութիւն է գործում: — Մօտ եկ, տեսնեմ: